

5th Year



OBS/GYNE-JUH

أماكن الدوام:

أول شهر الكل بدوام بالجامعة، ثاني شهر بوز عوكم على المدينة والبشير وممكن الاستشاري.

طبيعة الدوام:

بنزل من أول أسبوع توزيعكم على الدكتور بالجامعة غالباً ببش 9 عال وبنتهي 11-12 حسب الدوام، لو دوام عيادة يكون ساعتين أو ساعتين ونصف، عمليات ممكن ساعة ونصف، الإكسترنال ساعة لساعة ونصف.

خلال الشهر الأول يكون في محاضرات صباحية عال 8 ومسائية عال 1 حسب الجدول التي ببعثوه، يعني الشهر الثاني بس تداوموا بالمستشفيات الثانية ما يكون في محاضرات بالجامعة. ممكن يطلعكم بالجدول إشي اسمه morning round بتروحوا بعد المحاضرة راوند مع المقيم لمدة ساعة أو ساعة ونصف.

الهم Logbook بتجيبوه من قدام مكتب سكرتيرة القسم ست رانيا بالطابق الأول ورا عيادات النسائية.

دوام ال Labor يكون مع دأمل، بتدقق كثير عالسكراب وما بتحب حد يتأخر، بتفرجكم placenta وبتشركم عنها، وخلال الدوام بتسألكم ف حاولوا تكونوا محضرين خصوصاً CTG & Labor stages وكيف تاخذوا هيسطوري، وبتسألكم عن ال placenta-PPH-PET وبتعطيك الخيار لو حاتين تيجوا تحضروا ولادة قبل الدوام.

دوام الإكسترنال خفيف وأغلب الدكتور لطيفين بس د محمد حجابي شوي شديد، مدته ساعة ونصف بتروحوا لقاعة مع واحد من الدكتور يشركم موضوع عشوائي (وفي منهم بسملكم تختاروا الموضوع)، في منهم بحكي معكم عن المستقبل وبتعطيك نصائح للاختصاص، بس د مازن بسأل كل حد وبتقيمكم وعادة بشرح عن AUB.

لمّا بكتبوا بالجدول Theater 5 يكون الدوام بغرفة عمليات رقم 5 بمبنى الزاقدين مش بمبنى النسائية، وعياداتهم بمبنى العيادات الطابق الأول والثالث، أما الراوند يكون بمبنى النسائية عادة.

كل غياب محاضرتين بنحسب غياب يوم، والحرمان على الغياب السابع، في إشاعة بتقول إنهم بسامحوا بأول محاضرتين بعد هيك بنزل لكم غياب.

مصدر الدراسة:

النظري: كمصدر شرح دكتور نادين الشريف عاليوتوب شرحها جداً رائع ومفيد وبتصير المادة أسهل عليكم وبتدرسوا تفرغ النوتس تبعونها مع السلايدات والباست على وقتنا ما طلع الفايصل منهم، حاولوا تيلشوا دراسة من بدري لأنه المادة طويلة وبدها وقت.

الفايصل كان من 100 سؤال وما جابوا صور، تكرر حرفي تقريباً 10، بس أكثر من نص الامتحان نفس أفكار الباست، وكان مستواه سهل صراحة على عكس 020

الاوسكي: في checklists عالموقع لأبو حلاوة وفي لآيات، ال 2 ممتازين بس الفرق بينهم إنه أبو حلاوة بكتب تلخيص قصير للنظري قبل ال checklist، هم بشملوا معظم الامتحان بس في ستيشنات بييجي فيها أسئلة من بزا فالأحسن تكونوا دارسين النظري قبل، ويكون أسهل عليكم لو درستوا كل checklist بعد محاضرتها.

الامتحان يكون ستيشنتين كل وحدة 5 دقائق، بميل للورال أكثر من الهيسطوري، يعني بسألوكم مثلاً risk factors أو management وغيره، ومعظم الدكتور متعاونين.

طبيعة الدوام

د.ناصر الحسين

بتقيمكم على الشكل تقريباً، آخر يوم بناديكم واحد على مكتبه بس ما بسأل عادة، بحكي إنه متذكر كل حد خلال الدوام وبناء على تفاعلهم مع بقيم، وما بطلب منكم تجيبوا هيسطوري للتقييم، بدقق عالحضور لو العدد كان قليل أو تأخرتوا عليه، ما بهمه تفاصيل الدريس كود كثير المهم معكم لابتكوت وسماعة ومطرقة والمتر.

ما يستخدم اللوغ بوك بس لو بدكم خلّوه معكم ووقّعه احتياط، ما يسأل عن مواضيع محدّدة خلال الدّوام حسب شو بنتشوفوا حالات بسألکم، بس بأيام الراوند المقيمة بتحكيكم تيجوا من الصبح تاخذوا هيستوريز من كل مرضاه يعني ممكن تقلّك 30 والراوند 9، ويتفوتوا على كل مرضاه وبسألکن مين آلي ماخذ من هالحالة يحكيلنا، ف لا تتهاونوا بالموضوع ومرّة لقانا مش ماخذين هيستوري بهدلنا وسمّعنا حكي.

الدكتور التّعامل معه صعب شوي بس لو بتلتزموا بألي بحكيه بصير منيح، ولو تمشكلتوا معه أكثر من مرّة وانزعج منكم ممكن يشوف القروب كلّه مش منيح ويقال تقييمكم.

مدة الراوند ساعتين والعيادة بتضلمك لقبيل المسائية بشوي والعمليّات بتحضروا عمليتين تقريبًا.

د. عقبة القرعان

الدكتور محترم وراقي جدًا للأمانة، دائمًا دوام الراوند معه، بس عادة ما بتروحووا لمرضى، بياخذكم لقاعة وبشرحك موضوع معيّن، ببّلش معكم بكيفية أخذ الهيستوري بالتّفصيل، ما بدقّق يسأل شخص بعينه بس آلي بشارك معه بحفظه وغالبًا برفع تقييمه، ما بدقّق عالهيستوري بس بنصحكم تاخذوا عشان تستفيدوا، بدقّق كثير عالدريس كود بكل تفاصيله وممنوع تيجوا بسكراب .

ما عملنا امتحان للتقييم بس حكالنا نكتب أسماءنا على ورقة وقيّمنا على الشكل وآلي شارك معه كثير، وسأل كل حد كم شايف نفسك بتستاها، خذوا معكم اللوغ بوك ووقّعه احتياط بس مش كثير بدقّقوا عليه.

الراوند معه ساعة زمن بس العيادة لل 12:30 وأوقات كان ياخذنا لوحدة الأم والجنين بدل الراوند -بتشبه العيادات- ويتشوفوا معه كثير U/S وللمعلومة الدكتور تخصصه obstetric علم الأجنّة، العمليّات كّنّا نداوم مع د أيمن قطاونة على وقتنا.

د. شوقي صالح

ما بتشوفوا الدكتور كثير بالدّوام، شفناه مرتين بالعيادات وناقشنا كيف ناخذ الهيستوري من المرضى، باقي الدّوام يكون مع السينيور، تقييمهم ممتاز فوق ال65 غالبًا، ما بعمل امتحان تقييم ولا بطلب تسليم هيستوري، ولا بدقّقوا عالدريس كود حتى لو عندكم عمليّات وجايين بالسكراب من البيت، بس المهم تلبسوا لابتكوت بالعيادة.

بياخذوا حضور كل يوم على فورم عندهم عالٹلفون وبوقّعوا اللوغ بوك، الدوام مع السينيور مفيد بتشرحلنا عن ال US منيح، ما في مواضيع معيّنة بدقّقوا عليها بس شرحنا المقيمة عن D/C وكيف ناخذ هيستوري و examination & Pap smear ويتسألکم شوية أسئلة عنهم، ويتسألکم لو في مواضيع بدكم نشرح عنها.

دوامهم خفيف يعني ساعتين تقريبًا باستثناء العيادة لل ١٢، بس وقت بدايته بختلف حسب الجدول آلي بتبعته الكم السينيور، ويتقدروا تستفيدوا لو حابّين.

د. أيمن قطاونة

تقاييمه عالية بالعادة، بطلب من كل شخص يحضّر موضوع ويعمل عليه سلايدات وقيّمنا بناء عليه و على المشاركة في الراوند والعيادة، بس في ناس من الشهور الماضية عملهم امتحان تقييم ف حسب حظكم.

بدقّق جدًا عالْحضور والغياب، الدرّيس كود مش كثير بهّمه يعني مثلاً ما بدقّق عالْحذاء -أجلّكم الله- بس مش لدرجة تلبسوا جينز، وما بدقّق لو بالعمليّات جايين بالسكراب من البيت، ما استخدمنا اللوغ بوك معه إجمالًا وكان الحضور يبعثه ليدر كل قروب فرعي على قروب واتس هو موجود فيه (حضور المحاضرات والدّوام).

دوامهم من بعد المحاضرة الصباحية وما برضى برّوحنا قبل 11:30-12 بس بنستفيد للأمانة كونه بحب يشرح كثير وما بحرج وأسلوبه رائع وأغلب الأيّام كّنّا نشوفه، حتى لو رحنا مع المقيم كان يتأكّد إنّه بشرحلنا وبفهمنا، المواضيع آلي بشرحها حسب الحالات آلي عنده، عادةً بالأوّل بشرح general exam بعدين بصير يتعمق كل يوم بموضوع، بحب كثير + placenta previa PET وبالعادة بغطّي كثير من مادة ال obstetrics .

حاولوا تستغلّوا الدّوام معه لأنّه مفيد ومسلي ولو شاف حد محضّر ومهتم بحفظ اسمه وغالبًا بعطيه تقييم أعلى.

د. نادية مهيدات

ما بتشوفوا الدكتورة كثير، أغلب دوامكم مع المقيمين، ما بتعمل امتحان تقييم ولا بتطلب تجيبوا هيستوري، بدقّقوا نوعًا ما عالدريس كود خصوصًا عيادة ممنوع تداوموا عيادات بدون لابتكوت، بالراوند ما بدقّقوا كثير، بالعمليّات عادي لو السكراب من البيت، وما بتحتاجوا معدّات، بدقّقوا على الحضور، وبوقّعولكم اللوغ بوك للاحتياط بس الحضور الأساسي على ورقة عندهم، ما بعبرونا كثير خلال الدّوام.

دوامهم طويل للأمانة وفي كثير بريكات، بس طبعًا بختلف حسب شو مداومين، بتقدروا تستفيدوا كثير من دوامكم لو حابّين وعيادتهم جد مفيدة، وخذوا هيستوريز قد ما بتقدروا.

ولو بدكم تستفيدوا اختاروا كل يوم موضوع تحكوه للدكتورة تشرحه لكم، هيك بتضمنوا ما يضلوا يكرولكم المواضيع.

د. أسماء باشا

الدكتورة لطيفة وكثير هادية بالتعامل، بتعملكم امتحان تقييم، يا بتعملوا فيزيكال أو بناخذوا هيبستوري قدامها، بس مش امتحان فعلي صراحة، زي دوام الراوند بتكونوا كلكم مع بعض وبتسأل سؤال ولو ما بتعرف الجواب عادي بروح لآي بعدك و هيك، ما بتدقق عالهيستوري.

بدققوا الحضور على ورقة، بس لو بدكم خذوا اللوغ بوك ووقعوه احتياط، ما بدققوا عالدريس كود كثير بس المهم لابكوت بالعيادة، وعادي لو جيتوا بالسكراب من البيت للعمليات، وما بدهم معدات.

بتشوفوا الدكتورة بالعيادات أكثر إشي، ومش كثير بعبروكم خلال الدوام بس لو طلبتوا منهم يشرحوا إشي ما بقصروا معكم، بداية الدوام بتختلف حسب شو مداومين بس بخلص 12-11:30 وبعدها يكون في محاضرة مسائية أغلب الأيام.

د. فداء ذكر الله

بتعمل امتحان تقييم بنهاية الروتين، بتدخلكم واحد واحد على مريضة وبتحكيكم خذوا هيبستوري حسب الحالة، إشي جابني وإشي عن first trimester و هيك وبتطلب تعملوا فيزيكال كل إشي مثل الانترو مع ال Leopold's manoeuvres، بس إشي بسيط دقيقتين ثلاث، كل يوم باخذوا حضور بالدوام، وأغلب دوامكم اكستيرنال ومع المقيمين فما بتشوفوا الدكتورة كثير، ما بدققوا كثير على الدريس كود بس بدوام ال Labor لازم سكراب وعادي من البيت.

جيبوا معكم اللوغ بوك ووقعوه احتياط، بس تسجيل الحضور بالعادة على تلفون الدكتور آلي معكم، أهم شي يكون معكم المتر بالعيادة.

أكثر مواضيع بتسمعوها بالدوام bleeding بكل أنواعه خصوصًا PPH/ APH/ PROM/ pre term ومعهم CTG/ Labor/ Infertility/ amenorrhea

وكمال الهيستوري التفصيلي للاوبس والجابني، كثير بتركز عليهم الأخصائية،

الدوام مدته مش ثابتة صراحة ممكن تضلكم ساعة ونص وممكن 3 ونص، المقيمة بتبعنكم جدول عن تفاصيل كل يوم.



OBS/GYNE-KHMC

الدوام ببلش الساعة 9 بمبنى النسائية والتوليد، بتروحوا للسكرتيرة توقّعوا حضور وبعدها بتروحوا لدوامكم حسب دكتوركم، انتبهوا تتأخّروا عن الحضور لأنّه مرّات بيحي رئيس القسم ياخذ ورقة حضور وبحسب المتأخّرين غياب

ويتكونوا كل قروب موزعين مع دكتور، ويتداوموا عيادة أو راوند أو عمليات وكلهم مفيدون صراحة والدكاترة معظمهم متعاونين ولطيفين، يكون في سيمينار كل يوم الساعة 12 وبالعادة ما بطول يعني نص ساعة بالكثير، وعلى وقتنا ما نزلوا غيابات للسينار، بس احضروا سمينارات د رامي شويّات لأنّه لو شاف طلاب دكتور مش موجودين بتهاوش معه ليه معطل طلابك ف بتخرب عطلتكم، كونه ممكن تتفقوا على يوم أو يومين عطلة بالأسبوع حسب الدكتور.

دوامهم خفيف ومتنوع بتشوفوا كل الحالات وولادات أكثر من الجامعة.

طبيعة الدوام

د. رامي شويّات

هو رئيس القسم، تقاييمه عالية لو ما بتغيبوا على كيفكم، بقيم على التفاعل معه ويطلب منكم ملخص لموضوعين بكل أسبوع، بس ما بعمل امتحان تقييم ولا بطلب هيستوري، بدقق جدًا جدًا على الحضور ولو حد غاب بدون ما يحكيه بحقد عليكم، لو التزمتموا معه بخليكم تعطّلوا يوم بالأسبوع ألي هو يوم العمليات، كونه الدكتور عنده عمليّات أحد وأربعاء ف يحكيكم اقسوما نفسكم قروب يداوم الأحد وقروب الأربعاء، ما يتنحسبوا غياب لما يحكيكم عطّلوا بس بحسبه للي بغيب لحاله ويكون متذكر كل حد كم غاب، ممنوع تيجوا بالسكرا من البيت حتى لو دوام عمليّات، وممنوع الجينز بس ما بفرق معه الحذاء -أجلكم الله- كان يطلب يكون معنا سماعة

دوامنا يكون من ال9 لل 11:30 وبعدها بحكيلنا روحوا للسينار، بدقق على الالتزام بالوقت، وبهتّم جدًا بالطلاب وبحب يشرحكم ويسألكم بالمواضيع ألي لخصتوهم، معروف إنّه شديد كتعامل بس إذا كنتوا ملتزمين بتعامل معكم زي أولاده.

د. باسل خريسات

ما بطلب منّا هيستوري ولا بعمل امتحان تقييم، تقاييمه عالية، بحكيلنا نقسم حالنا مجموعتين، كل مجموعة يتداوم يومين بالأسبوع، وهو بحكي للسكرتيرة ما تحسبكم غياب.

ممنوع تلبسوا سكراب من البيت ولو شافكم بمنعكم تفوتوا العمليّات، عمليّاته الخميس، بهتم بالطلاب وبشرحكم عن المواضيع ألي بتقترحوها.

الدوام من ال9 لل11 بالكثير وبعدها يكون في سمينار، الدكتور جدًا رائع ومتعاون ورح تستفيدوا من الدوام إن شاء الله.

د. متري راشد

يتداوموا بأول يوم كلكم بشوف عددكم كبير ف بحكي وين بدّي أروح فيكم كلكم، بس ما بدّه تبيّنوله إنّه بدكم عطلة، في ناس طلبوا منه يقسمهم أو يعطّلوا وخلاهم يداوموا يومي، المهم بصير يطلب منكم اقتراحات وبعدها يمكن يحكيكم تنقسموا قروبين.

لو انقسمتوا هيك يكون الدوام:

الأحد دوام للكل، وبعدها إثنين وأربعاء قروب A، ثلاثاء وخميس قروب B، والأسبوع ألي بعده بتبدلوا على أساس تحضروا كل شي.

جدول دوامه:

الأحد: راوند أو مناقشة هيستوري

الإثنين: عيادات نسائية وتوليد بمبنى النسائية

الثلاثاء: عمليّات نسائية بمبنى الحسين

الأربعاء: عمليّات ولادة

الخميس: عيادات IVF

الدوام يا دوب يكون ساعة لساعة ونص وما بطول معنا بس لا تحكوله رّوحنا، تقاييمه عالي +67، وبحكيكم ما تضلّكم للسينار وتوقيع السكرتيرة عندي أنا بحكيلها، بس المهم في حد يعرف يحكي معه أول يوم وما تبيّنوا بدكم عطلة، بنهاية الروتيشن بحكيكم رح نحط لكل طالب غياب واحد.

بدقق كئيبيبير عالدريس كود، مرّة طرد طالبة لأنّها مش جايبة لأكوت، وطرد ألي لابسين سكراب من البيت فانتبهوا.

د. عمر تاسو

تقييمه جيد بداية ال60، بدقق عال حضور بس دوامه خفيف للأمانة، من ال9 لل11 بالكثير، بحكيكم تنقسموا قروبين قروب بداوم 3 أيام وقروب يومين ويتبدلوا الأسبوع الي بعده، على وقتنا حكي ما دخلني بتوقيع السكرتيرة ف كنا نيجي بأيام العطلة نوقع ونروح بس الي قبلنا قالوا هو حكي للسكرتيرة ف حسب حظكم شو بقّرر على وقتكم.

بخصوص الدريس كود ما كان بدقق على السكراب صراحة بس التمريض كانوا ينتبهوا، وبالعبادة المهم معكم لابكوت، بسألنا خلال الدوام عشوائي عشان يشر حلنا مش كامتحان يعني.

د. عايد الشماسين

في قروبات كان يحكيهم اقساموا حالكم قروبين وكل قروب بداوم يومين، وفي قروبات ما كان يوافق ينقسموا ف حسب حظكم للأسف، على وقتنا حتى قبل الاوسكي بيوم ما وافق يعطلوا وهددنا بالتقييم.

بدقق كثير على الالتزام بالوقت، ولو حد منكم يعطل بدون إذنه بحقد على القروب كله، لكن لو ما حقد عليكم بحكيكم تعطلوا الخميس كونه بداوم بمستشفى ثاني.

بس لو ما وافق تنقسموا قروبين بحكيكم تنقسموا قروبين بنفس اليوم، يعني قروب بداوم صباحي (9-10:30) وقروب مسائي (10:30-12)

بالدريس كود أهم شي ما تيجوا بسكراب من البيت لو عندكم عمليات، بس بباقي الدوام عادي لو جابين بسكراب ما بدقق.

دوام الدكتور:

الأحد - C3 surgeries

الاثنين - عيادات

الثلاثاء- c-section surgeries

الأربعاء - عيادات وحدة الإخصاب

الخميس - عطلة لكل

د. طارق ارتيمه

ما بعمل امتحان تقييم، بس تقييمه جيد فوق ال60، بطلب تاخذوا هيستوري للناقاش بس ما بطلب تسلموها، بكون حافظ القروب كامل ويعرف مين الي بغيب، كان يحكيلنا ممنوع نيجي بسكراب من البيت، الدوام من ال9 لوقت السمينار.

الدكتور واضح جداً في التعامل و بعطي تعليمات من أول يوم دوام، بحكيكم ممنوع تفتحوا التلفون وأهم شي تلتزموا بالوقت، والدوام معه جداً مفيد للي حاب يستفيد، كثير بحب يشرح وبحكيكم شو بدكم نشرحكم، وأسلوب شرحه كثير حلو و الدكتور رائع في التعامل، بس ما سمحلنا نعطل للأسف (لكن في قروبات ثانية يعطلهم ف حسب حظكم).

د. أنس المصالحة

ما بهتم بالطلاب ولا بشرحهم بس بهمه تكونوا موجودين، وما يعطل للأسف، مش كثير مفيد الدوام معه.

د. أحمد المومني

مدحوه كثير كدوام وتعاون، ولو كنتوا ملتزمين معه بوافق يعطلكم كثير، على وقتنا قسم قروبه قسمين وكل قروب بداوم يومين والقروب الثاني ثلاث والأسبوع الي بعده بعكسوا.

د. أحمد الخرابشة

دكتور محترم ومرتب بس مشكلته صعب يعطلكم، بتداوموا أغلب الشهر وبحكيكم لو التزمتوا كلكم فترة معينة يعطلكم يوم، حتى كان عنده عطلة يوم الأربعاء وكان يوزعنا على باقي الذكاترة عشان ما نعطل، بدقق عال حضور جداً و عال تأخير كمان، ما عمل امتحان تقييم ولا طلب تسليم هيستوري، ما بهمه الدريس كود بس لو د رامي شافكم جابين بسكراب ممكن يعلق.

دوامه ساعة لساعة ونص بالكثير، وبحكيكم بعدها روحوا للسمينار بس ما بدقق وراكم.

د. إيهاب الريان

تخصّصه oncology، عادةً ينتجّ معه بالعبادة عند وحدة تنظيف عنق الرّحم، بصراحة الدوام مش كثير مفيد، المرضى كثار والدكتور مش فاضلي يشر حلنا، المفيد بالعبادة إنّه بتشوفوا pap smear, colposcopy وغيرهم، بس المشكلة الموضوع بصير مُكرّر مع الوقت.

دوامه:

الأحد: عيادة

الاثنين: عمليات

الثلاثاء: عيادة

الأربعاء: راوند

الخميس: عمليات قيصرية



OBS/GYNE-Basheer

طبيعة الدوام

الدوام يبدأ عال10 بتتجمعوا بغرفة المحاضرات في مبنى النسائية الطابق الأرضي عشان ياخذوا حضور ويوزّ عوكم على الدكاترة (مبنى النسائية جنب مبنى الجراحة) وتخلّصوا تقريبًا 12

بكونوا باعئين توزيع من قبل بس هاذ عالفاضي، كل قروب بكون إله جدول دوام كل أسبوع وكل يوم مع دكتور مختلف
الدوام عمليات جاييني / ولادة أو مناقشة هستوري راوند أو تشرحووا مواضيع

وبكون في يوم عطلة كل أسبوع وممكن أكثر لو حكيتوا معهم

وبتستخدموا هاذ اللوغ بوك

<https://drive.google.com/file/d/1jWGfO9xkvQLHHGltvdOnc-TKP7ZhAEzp/view?usp=drivesdk>



OBS/GYNE-Istishari Hospital

طبيعة الدوام

مواعيد الدوام:

ببش بالعادة 8-8:30 وممكن تضلّكم لحد ال 2:30 حسب وين مداومين، والدوام يومي وياخذوا حضور دائمًا للأسف.

في محاضرة يوميًا عال9 للمقيّمات ومطلوب منكم تحضروها وممكن ياخذوا فيها حضور بالأسماء فلازم تحضروا.

بنزلوا توزيعكم على الدكاترة بس التوزيع عالفاضي بتداوموا بقروب واحد ومع كل الدكاترة.

أنواع الدوامات:

IVF أو labor بكون لازم تيجوا عال8 بالزبط

وفي دوام عمليات أو طوارئ هذول بخلّصوا بدري بالعادة يعني بعد المحاضرة ممكن ترّوحوا

أما العيادات بكونوا كاتبين اسم طالبين مع كل دكتور وفي عيادات صباحي من 10:30 لل 12:30، وفي مسائي من 12:30 لل 2:30، وانتوا بتتفقوا مين يداوم صباحي ومين مسائي، لو مداومين مع د ماجدة حاولوا تكونوا دارسين لأنه الدكتور بتسأل كثير.